

Årsberetning 2021

Utdanningsforbundet Bokn er eit lokallag under Utdanningsforbundet som er ein partipolitisk uavhengig fagforeining for pedagogisk personale innafor alle utdanningsnivå. Lokallaget har kontor i Bokn på Bokn Skule. Medlemstalet var pr.31.12.21 35 stk. Dette er ein vekst på 3 medlemmar sidan same dato året før. Styret har lagt til grunn forutsetninga om fortsett drift for framlegging av årsrekneskapen. UDF Bokn har etter avlegging av rekneskapen for 2021 eit overskot på kr 5954.

I 2021 har styret hatt 6 styremøte der me har drøfta og behandla ein del saker som gjeld barnehage og skule, drift av organisasjonen, oppfølging av medlemmar, arrangement, smittesituasjonen og nye planar og lovar. Det har vore klubbmøter utan bevertning for medlemmane i barnehagen og i skulen.

Utdanningsforbundet Bokn er med i eit nettverkssamarbeid med Tysvær, Haugesund, Utsira, Karmøy og Vindafjord. Her deltok leiar og HTV i møter som dei ulike lagsleiingane hadde ansvar for. Nettverket gjekk saman om eit felles medlemsmøte 8.11 der Simon Malkenes var forelesar. Me arrangerte lunsjforedrag for pensjonistar med Tore Renberg som gjest saman med Tysvær og Vindafjord.

I 2021 har lokallagsleiar og HTV vore på kurs og samlingar i regi av Utdanningsforbundet Rogaland og Utdanningsforbundet sentralt. Forhandlingsdelegasjonen som besto av leiar/HTV og ATV barnehage deltok på kurs i forhandlingar i august.

Medlemmar med lengre sjukefråvær er blitt følgt opp med blomar. Til jul fekk medlemmane tilbod om ein inspirasjonskveld med Dag Otto Lauritzen i Festiviteten. Dei som ikkje ønskte dette, fekk ei julegåve bestående av profileringsmateriell; kaffikopp og nøkkelsnor. Nyutdanna og nytilsette fekk velkomstgåve.

Forutan medlemsmøte har Utdanningsforbundet Bokn vore med å støtta ein del trivselsbringande tiltak for medlemmene i løpet av året. Dette har blant anna vore frisk frukt på jobb på skulen, og ullklede for dei som jobbar i barnehagen.

Utdanningsforbundet i Bokn har ingen tilsette, men me har frikjøp for hovudtillitsvald i til saman 8,6 % som kommunen dekker og for lokallagsleiar 20% som Utdanningsforbundet sentralt dekker. Sjukefråværet for dei tillitsvalde har vore lågt, og det har ikkje vore skader eller ulykker knytt til drifta i 2021.

Verksemda forureinar ikkje det ytre miljøet.

Me er eit lite lokallag med berre ein skule og ein barnehage. Me har difor kombinert lokallagsleiar og hovudtillitsvald. Utdanningsforbundet Bokn har som mål å vera ein arbeidsplass der det råder full likestilling mellom kvinner og menn, men ettersom det ikkje på valtidspunktet var fleire enn 3 organiserte menn i jobb i skule og barnehage i perioden, var det ikkje råd å få menn med i styret.

Styret meiner at årsrekneskapen gir eit rettvisebilde av organisasjonen sine eigedeler og gjeld, finansielle stilling og resultat. Årets resultat er disponert som angitt i årsrekneskapen.

Underskrift leiar

Merete Alvestad

Underskrift nestleiar

Anne Lisabeth Jøsang